

三經同卷

太上洞神三元妙本福壽真經

太上老君說解釋咒誼經

太上老君說五斗金章受生經

太上洞神三元妙本福壽真經

開明三景章

爾時

大聖祖玄元道德天尊太上老君在太清仙境紫微天宮時諸天大帝諸大天仙三元帝真無鞅仙聖列班朝元天丁力士金童玉女侍衛羅列時有通玄至德大真人出班奏曰臣聞五大初分一真造化兩儀健運五炁生成皆由三元宰御三官統轄至四維八極三界十方山川海嶽聖凡人物禽獸龍魚草木昆蟲飛潛動植盈虛消息生生造化無有不屬三元主運凡居境域上至帝王下及兆民榮顯與衰富壽康寧吉凶成敗禍福災厲皆屬三元定分臣愚不知三元帝真何因何德掌握樞機古今運化歷劫帝存靈感報應善

二

惡公私毫杪不差惟願大慈細微開示使諸天人明了通達修崇皈向奏畢九拜長跪端珪拱聽時

太上於金光中寂無音響端然微笑默視無上文始妙道天尊金闕帝君時帝君默契

太上密旨誠告通玄至德大真人曰吾聞無始無元先天地道非常道而視之不見名無可名而聽之莫聞玄之又玄希夷微之密契妙乎極妙虛靜極以冥符三元潛溟溟津

津之中五太胎寂寂寥寥之內中至具於鴻洞宰太一於混元不有不空無聲無象妙有無有卓然如在真無不無湛兮若存強名象帝之先寓號元皇之始自太極肇而三元造化從混沌鑿而一炁生成三極建中二儀定位帝宰乎綱維神御乎樞紐故天始凝水地

統其源氣氤混一元炁中融化的密運生意綿存故三元帝君職任宰御巡歷考校凡仙官真人天神地祇水母三界萬靈君臣人物善惡悉主隸焉

天官誠運章

原夫天官體精一而中正純粹主健運而元亨利貞雷震風飄雲行雨施有無無有消息如環鈞陶造化融一炁生生不窮升降屈伸運四時綿綿不息正令行乎少昊至仁發乎賜谷鼓舞仁風草木山川咸秀麗化融元炁

飛潛動植悉冲和孔德成莫大之神功玄仁變無窮之妙用主天曾大生之柄宰天府元化之機帝德無方具功罔極凡天下山嶽府君城隍社令主職散司一切不正神祇君臣人物悉屬考校黜陟賞罰焉

地官厚本章

道乃萬物之與坤為羣類之基地官融五大千竊竊冥冥之中坤宰育萬有于化化生之內上承天道體至柔而動則剛中蘊元黃用極廣而微之博包括八荒十壑乘載四海九州含萬象而化光全生生之妙體貫九泉之脉絡總密容之玄機山澤通氣會風雲于幽谷地天妙合激雷電于太空東至扶桑西及細柳南極南離北屆北都中載岱嶽名山

上御崑崙仙境推盡陰陽之復始晦彰日月

之夷升吞塞則成冬之收藏。秦才則發春之化育。無情有情之物。總理中黃巨象。微相之形成。生厚土。故后土功高。莫極中帝德厚。無疆凡人。素履行藏。悉承厚載之德。死生安止。咸庇含弘之恩。凡世間九州八荒山川原野。不正神祇。妖魔魍魎。幽爽猖亡。為人民患。害者悉屬。考校罰滅。及無情有情。生成長育。悉隸造化。化馬。

水官歸源章

夫水官者。大道一源。弘通萬派。聖德淵澄。于滄海神功。寂湛于瑤池。深潛真昧之鴻濛。沖漠未鑿之混沌。漏茫莫測。滔騰混于太空。澄澈無涯。靜止息于先地。能柔能順。用莫之既。可方可圓。深不可量。實滿而不自盈。往來而不失信。其質柔而體至剛。其性下而公用平。其海藏也。韞金玉珠珍。其源流也。育鯢龍魚。蝦細無不入。大無不包。神其變化。則傾山倒嶽。攻其堅強。則貫金透石。通濟天下。載萬斛之巨舟。光澤世間。印千川之皎月。體之若此。升降自然。故上善若水。利物而不爭。至神

如天歷千古而無變。汪洋清澗。溥博柔和。與天地大通。共虛空同體。滋生萬物。澤育羣生。奈凡流。莫曉洪澤之恩。徒為望洋之嘆。凡江海河濱川源。溪澗井谷。潭池龍宮。海藏一切水神。神母毒龍。蛟蜃魚鱉。水怪諸妖。與人為害者。咸隸考校。戮焉。

三元體妙章

夫先天太玄至真。混元中黃之元。炁洞淵清。澤之元。精陽谷青華之妙道。三元若此人。亦如然。若夫世間善信。賢良夙植功德。得聞如上妙微。米清幻妄。清靜身心。洞毓元精。神息元炁。寂照元神。混神炁精。沖凝天谷。復無極至真之妙道。劫運長存。獲無量壽。受無量福。其聖功玄德。不可思議。吾代奉太上慈悲妙音。宣揚重說三元呪曰。

大哉玄元始 妙道自然然 真陽冥赫赫
真陰密玄玄 真宰冲漠朕 極肇生諸天
元皇折五太 建極主三元 三元融五炁
造化人坤乾 三才亂氤混 萬物生生馬
惟人最慧貴 真性體高天 無為至清靜

秉非道德全 純粹如玉瑩 剛明體金堅
如坤柔厚德 如水善方圓 性本無生滅
心生成倚偏 四非縱八識 愛惡生妄緣
苦海浪翻復 滾滾喪真源 太上憫慈救
強道作法船 濟人登道岸 無奈人狂顛

渾流無定止 甘心墮幽泉 輪回諸苦趣
長劫業火然 暴棄不自悔 執昧深可憐
心息無生滅 心清罪業躡 心空超八識
心淨絕諸愆 心純無妄偽 心明光慧圓
心通無障礙 心了樂象先 但肯回心正

火中生金蓮 迷昧為下鬼 明悟登上仙
寶固精神炁 三元復本然 無量大功德
妙微難言宣 洗心志專精 齊心至敬誠
誠誠中應感 自然成利貞 不空其妙象
無色無臭聲 神化妙難測 寂明中洞明

釋一切罪厄 消一切災迺 行止常清吉
福祿壽康寧 三元微妙道 如意大光身
稽首誠不二 敬信力尊行 心君常安泰
天下求和平

三官慈誓章

時三元三官帝君開是經呪即九禮太上道
前端珪而誓曰臣然主任三元巡訪考校常
清靜體道無為自然亦不自知已美今聞如
上法音誓願傳教世間凡良善男女有能受
持三元齋戒澡沐身心誦味是經敬持真呪
精進力行臣如

太上勅命普告諸天仙聖三元官曹攸司三
界十方神祇等如有世間持誦是經呪者隨
其誠意即為赴感護衛拯救水火兵盜病患
生產船楫苦厄災傷瘡釋風生見在一切冤
愆罪障保其精進無上至真妙道即令夙疾
普消精神清健形質康安增延福壽奉畢再
拜是時通玄至德大真人與諸天天帝天仙
三元仙聖無鞅仙真同聲讚詠歷劫未聞如
上妙旨得悟三元大本三官願力皆具歡至
樂天樂雍肅清音妙韻天花天香韻朗十方
仙聖神真恭讚各復元所普願人天敬信奉
行

太上洞神三元妙本福壽真經

本元天性清寂虛明了無愁情安有善惡
心念一起邪正匪分嘗聞上古君臣民物
皆真真實實朴純純初無貳心咸有一
德自然三元融暢一性慧靈中古以來尚
機智聰明流心情妄貪嗔好勝嫉妬好爭
詐偽奸邪驕奢欺昧了無覺知終不改悔
人慾甚而天性喪矣致冤枉罹禍良善受
殃苦屈無伸以其上下邪氣交征感生疫
癘兵兇飢荒奸盜鬼神陰毒魔怪與妖災
害並生以至病疾傷殘性命夭折苦哉我
太上慈憫上帝降乘職任三官天曹府司
每遇三元巡訪考校昭彰功罪伸理曲直
赦罪救苦解厄拯危有功德者賜福祿壽
以至子孫賢哲榮顯作罪業者罰戮勦除
以至子孫愚頑凌替聖明公直報應如響
自然而然萬無一失此經太上妙玄三元
道德大體妙用聖力神功俾夫志士修真
明本反朴還淳復上古之玄風謹至真之
妙道僕爰授古本校正分章使夫易曉玄
理精明道心上紀

聖圖永固聖壽遐昌次願善信齊心誦持
誠意修承庶不負
太上聖慈道濟天下三官願力福祐人間
仲庵王居士一見誠誦喜躍發心勸緣繡
梓普化人天同歸正道豈小補哉奉定甲
子陽至日金闕紫衣玄一高士臣苗善時
頓首敬序